

22544

蘇州	二,九二,八九七	二六,八四一,五七
杭州	一四〇,五三三,八四二	一五五,七四三,〇三三
寧波	一四,七九,六六七	一三一,三七七,三三九
溫州	二六,四六一,七六四	二四,三六二,九六六
三都	九六,三六,一三三	一〇八,九六六,四九九
福州	一六三,三〇一,八〇二	一八三,一六七,六八九
廈門	三三,四二,八三三	一九七,〇三〇,七九六
汕頭	四三六,〇四〇,六七三	三九六,六五二,八四四
廣州	七四,五四,二七四	七六,八四六,一〇八
九龍鐵路	三,三六一,九六九	
關門	九四,七八,五七三	六二,一六七,七三三
三水	八二,三九,八〇九	六,三六三,五九二
梧州	一四〇,七六,四八九	一五,三九二,七六三
南寧	二五,〇四,二五八	二,三六,一七一
瓊州	五二,四六,九三九	三七,〇〇九,五九
北海	二七,四三,七三九	二,六四,三三〇
共關平銀	一〇,二六,四六,三九	一一,三三,八二,八二五

熊希齡復財政部函 并鹽稅抵押借款說明書

昨奉文電。詢及鹽稅抵押數目等因。查敝處八月二十一日復白啟祿函。及八月二十二日擬復劉代表電。所稱已抵鹽款。二千四百萬兩。係令部員潤普查照歷年借款合同載明抵額彙計。其

有合同中未及列舉抵額者。如後附說明書。第二項庚子賠款一千二百萬兩。則以前清戶部當時收入額為依據。第三項贖回京漢鐵路一百五十餘萬兩。則以本息還期估算。並攤分稅鹽各半為依據。第四項湖北匯豐銀行借款。第五項江南維持市面借款。第六項湖北借銀還債借款。則以本銀實額為依據。倘均按照年攤扣算。已抵者不過一千九百七十八萬兩。尚不至二千四百餘萬也。茲將說明書另鈔呈覽。乞再交潤普君詳細核算。然後詳列一表。譯成西文。附以說明。登報公布。使中外人咸瞭然於抵款之綽綽有餘也。

附中國鹽稅抵押借款說明書

一續借英德洋款一百八十萬兩

查西歷一千八百九十八年。續借英德洋款一千六百萬鎊。載明以宜昌鹽釐並加價銀一百萬兩。鄂岸鹽釐五十萬兩。皖岸鹽釐三十萬兩。共計一百八十萬兩為抵押。

二庚子賠款一千二百餘萬兩

查西歷一千九百一一年。辛丑和約第五款第三項所載鹽政各進項。據前清光緒二十九年戶部所編各省歲入表。內列鹽課徵銀一千一百二十六萬九千八百六十五兩零。又錢二百二十四萬零零四十四串。以錢合銀約共一千二百餘萬兩。辛丑和約第五款第三項。即係指此數而言。蓋當時收入額。實只此數也。嗣後戶部每年由此項鹽款撥付賠款。亦不過一千一百萬兩之數。部員潤普編製借款抵押表。僅載八百萬兩。非撥付

之實數也。

三贖回京漢鐵路借款一百五十餘萬兩

查西歷一千九百八年贖回京漢鐵路借款五百萬鎊。載明以直隸江蘇湖北各稅及鹽餉加價爲抵押。而不指明該入款之數目。茲以鎊價合銀。約計三千五百萬兩。又以五釐息及還期三十年扣算。每年鹽務項下。約攤本息銀一百五十餘萬兩。蓋合同中抵押品。尙有直隸鄂三省各稅劈分一半。鹽款約應抵出一百五十餘萬兩。

四湖北匯豐銀行借款五十萬兩

查西歷一千九百九年。湖北省匯豐銀行借款五十萬兩。七釐行息。還期十年。以宜昌鹽釐作抵。未載所抵額數。然以七釐息及還期扣算。每年只應抵及八萬五千兩。茲因未載抵額。姑以五十萬扣算。

五江南維持市面借款三百萬兩

查西歷一千九百十年。江南省維持市面借款三百萬兩。七釐行息。還期六年。以江南鹽餉加價、湘鄂贛皖四處收回復價、湘鄂贛皖八成鹽釐、兩淮海分司五成鹽釐、等項作抵。未載所抵額數。然以七釐息及還期扣算。每年只應攤還七十一萬兩。茲因未載抵額。姑以三百萬兩扣算。

六湖北借銀還銀債款二百萬兩

查西歷一千九百十一年。湖北省向匯豐銀行借銀還銀債款二百萬兩。七釐行息。還期十年。以宜昌鹽釐作抵。未載所抵

額數。然以七釐息及還期扣算。每年只應攤還三十四萬兩。茲因未載抵額。姑以二百萬兩扣算。

七幣制實業借款二百五十萬兩

查西歷一千九百十一年。四國銀團幣制實業借款一千萬鎊。載明以各省鹽餉新加價二百五十萬兩作抵。

八湘鄂境內粵漢鐵路借款五十五萬兩

查西歷一千九百十一年。湘鄂境內粵漢鐵路借款六百萬鎊。載明以川淮鹽局江防經費三十萬兩。及湖南鹽道庫正釐二十五萬兩作抵。

九湘鄂境內粵漢鄂境川漢鐵路借款三十萬兩

查西歷一千九百十一年。湘鄂境內粵漢鄂境川漢鐵路借款六百萬鎊。載明以川淮鹽局二文新捐銀三十萬兩作抵。

以上九項。已抵鹽款合計二千四百一十五萬兩。故前復劉代表電及致白啟祿函所稱。已抵鹽款二千四百萬兩。卽指此也。若據第四第五第六等項合同中未載明所抵額。而就其借款數目。按年攤分本息計之。合共已抵鹽款。不過一千九百七十八萬五千兩。並不至二千四百一十五萬兩之數也。今卽以倫敦新借款一千萬鎊而論。約扣合銀七千萬兩。五釐行息。還期四十年。第十一年還本起。每年只應攤還本息銀五百八十餘萬兩。以我國鹽款收入總額四千七百五十萬兩。除上九項已抵鹽款二千四百十五萬。又加入此次新抵五百八十餘萬兩外。尙有一千七百餘萬兩之款。可再抵借也。何況民國元年以前。各項借款。按

22546 年陸續歸還。則所付之息。次第減少。迨至各款還清。而所餘抵款。亦更有贏無絀矣。彼六國銀團。安能藉口贖款之已抵。而阻我借款之進行耶。

### 論新疆中俄邊界之沿革 錄時事新報宜與徐仁鑑

中國版圖。環東北西三面延長萬里。多與俄接壤。而中俄訂約。在東西各國之先。前清康熙雍正間。分立界牌。東起格爾必齊河至海。北至沙賓遠巴哈。是為東北界。其時關外之界。不逾哈密。蒙部之界。不逾阿爾泰山。與今日西界無涉。自乾隆間蕩平天山南北。闢地二萬餘里。哈布諸部。先後內附。凡昔日漢唐建牙戍置之所。悉包舉宇內。始名新疆。去俄尚遠。考中俄西北舊界。在齋桑淖爾西北之額爾齊斯河。河北流約二百餘里。為科塔兩城分設卡倫之處。稍南為市昆河右部。科塔分防於此。稽禁俄商。蓋當日藩封故壤也。至西南老界。由天山之頂迤西包納林河兼安集延。又為南北線。包和什庫珠克嶺哈拉庫里湖。又南包喀楚特(今譯為坎巨堤)是也。迨嘉慶十六年。伊犁將軍晉昌。委員出哈達蘇數十里。諭解俄人。奉嚴旨斥為多事。於是常以卡倫為界。不知國界本以藩界為定。初與卡倫無涉。一變而限於卡倫。是為西界蹙地之始。道光二十六年。俄人於伊犁建闡拔勒治哈部。中國官吏鑒於晉昌。無過問者。自茲海內多故。俄人乘隙誘我藩屬。進寸謀尺。狡啓戎心。故咸豐九年。四國構和。議及疆事。俄人約以常駐卡倫為界。於

是卡倫以外之地。淪失至幾千百里。此為京約之始。洎同治三年。執京約立塔城之約。地圖紅線。又出自俄人之手。故損失疆土。自額爾齊斯河至天山。無一處不更舊界者。同治八九年。俄人據我伊犁。占領十年。於是議交地。議改界。光緒七年。改訂中俄條約。當時劉錦棠奏烏什通貢古魯克一路。地界八城之中。由貢克魯克出卡達伊犁之路。足可索還。京約言天山之頂。即指貢克魯克山麓而言。幫辦大臣張曜奏稱。伊爾克什塔木與現管之界。舛錯太甚。現管之帖列先達灣。係葱嶺正幹。必收此地。然後可以換約。劉張二公。身列戎行。所言皆深合形勢。當時總署不出國門一步。妄指張曜劉錦棠圖說為不盡實。與俄人遷就訂界。於是明改。有暗侵。而失地又幾千百里矣。斯時中俄界牌。伊犁共設三十三處。塔城共設二十一處。阿克蘇共設五處。指山為界四處。喀什共設十九處。指山為界六處。統計九十六處。光緒十七年俄兵遊弋帕境。揚言各帕均歸俄屬。英人聞之。亦侵入坎巨堤。以固印度藩籬。新撫陶模。乃具圖與俄塔什干巡撫英印度總督據理力爭。並咨商總署。爭於英俄使臣。詎十八年英俄進兵蘇滿。向色勒庫爾進發。陶模派兵駐守其地。以固門戶。旋奉總署電咨。以烏什庫爾西域圖志。載在界外。責令掃數撤兵。以地讓人。今查一統輿圖。烏什庫爾確在界內。蓋西域圖志謂在界外者。別藩界於國界也。一統輿圖繪在界內者。指藩界即國界也。於是蘇滿各卡倫防兵既撤。而英俄瓜分蘇滿。舊界從此淪失矣。查新疆邊界有三變。一變